

իշխան եմ համարել<sup>1</sup>: Բայց այժմ տեսնելով և հայ Պոռ իշխանին նոցա թուում, աւելի հաւանական եմ համարում, որ մեր վէպի փոփոխակներում «Լօռուայ Հրմզայ փահլեանը» (№ 1, էջ 19, 21, 22), «Լօռու, Լօռուայ Համզէն» (№ 13, էջ 31), 37—39 (65, 71—73 և № 3, էջ 46) հայ իշխան լինի: Եւ ըստ ամենայն հաւանականութեան վէպի Համզան ժ. դարում ապրող իշխան Պահլաունի Գրիգոր Համզէն<sup>2</sup> է, որ իւր կին չքնապ Շուշանիկի հետ նշանաւոր են թողած յիշատակներով: Պահլաունիք Լօռուայ սահմանի մօտերը կալուածքներ ունէին Բջնին, Զաղկաձոր—Դարաչիչազը, ինչպէս յայտնի է Մ. Ուսայեցու տարեգրութիւնից և Կեչառու վանքի արձանագրութիւններից. բացի այդ Գրիգոր Համզայի թու Գրիգոր Մագիստրոսի կալուածքն են եղել «Կայան և Կայծոն»<sup>3</sup>, որոնցից առաջինը այժմ էլ իւր աւերակներով և միկնոյն անուսով յայտնի Լօռուայ Կայանու բերդն է: Իլիլջանի մօտ էլ կայ Բոզի կամ Համզա գիւղ և Ղազախի մի գաւառամասը կոչուում է սոյնպէս Համզա<sup>4</sup>: Ուստի և շատ հասկանալի է Գրիգոր Համզայի Լօռուայ Համզայ կոչումը: Այս Գրիգոր Համզէի որդի Վահրամն էլ յայտնի է, որ ոչ միայն մեղնում, այլ և Վրաց մէջ դիւցազնական հռչակ է վայելել<sup>5</sup>, ինչպէս և Լերբեմն Վահագն Վիշապաքաղը<sup>6</sup>:

Վերեր մենք տեսանք խաչակրութեան ազդեցութիւնը մեր Ձոջանց վէպի վրայ. ուստի մեզ թուում է Պարան Բուէքը, որ միշտ կոչուում է «Պարան Բուէք Ֆարնայ» (№ 14, § 116, 117, 120), պէտք է լինի Ֆարնայ, այսինքն ֆոանկ: Ֆարնայ՝ անծանօթ բանահաւաքը բացատրում է փակագծում, որ մենք ներքև գրինք, «Թեաւոր, թուցիկ»: Այստեղ ժողովրդական ֆոալ, թերևս ֆորն֊ալ բայով է բացատրուած: Բայց մեզ թուում է, որ այդ ժողովրդական բացատրութիւնը նման է ջալալ—ջալաթի մեկնութեան և հէնց այդ հնչման նմանութեան շնորհիւ Հայոց Ձորում ժամանակին անծանօթ ֆրէնչի-ն գարձել է ֆոն֊այ, դեկն հասկանալի մակդիր<sup>7</sup>: Մենք տեսանք, որ ժողովուրդը հնչիւնների նմանութեամբ բոլորովին տարբեր ծագում ունեցող բառերը նոյն է համարում. բացի այն որ մի քանի բարբառներում կ և տ ձայների փոփոխութիւններ ևս կան: Այսպէս պոոււնգ կամ պոուկ (որից պուռ, պուռալի) խոյեցիք ստում են «պակէ պոուկ», բայց

1. Արարատ Ամս. 1906. Ապրիլ. էջ 558—544. ծանօթ. 5.

2. Ալիշան, Նիրակ էջ 52—55. Կ. Կոստանեան. Գր. Մագիստրոսի թղթերը ժ.Ա. էջ 45 եւ յառաջարան ժ.Գ—Ժ.Ն. Ալէքսանդրապոլ 1910.

3. Վարդան վրդ. Պատմ. ԵՆ. էջ 99. Վենետիկ 1862.

4. «Սուրբանդակ» լրագիր. 1910. № 454. էջ 4. Թիֆլիս:

5. Կ. Կոստանեան, Գր. Մագիստրոսի թղթերը. ժ.Ա. էջ 59—10.

6. Խորեն. Ա. 1. 57—58.

7. «Կեր... քեաւորէ». Ձենոր, էջ 52. Վենետիկ 1889.